

Ufficio Stampa della Provincia autonoma di Trento
Piazza Dante 15, 38122 Trento
Tel. 0461 494614 - Fax 0461 494615
uff.stampa@provincia.tn.it

COMUNICATO n. 75 del 16/01/2025

Zait sin atz 28 hornung 2025

Est makmase innschraim in ‘‘Progråmm Auzzotauschance zbisnen Djunge’’

[Cimbro] Sin atz 28 von hornung izta zait innzoschraibase dar viarunzbuantzege editziong von ‘‘Progråmm Auzzotauschance zbisnen Djunge’’ an initziatìf augelekk von Åmt vor da lånt pintom un zo geba vèrt in trentinar in auzlånt – Åmt vor da internatzionål mittarbat vodar autonome Provìntz vo Tria.

Dar prodjèkt iz vor 15 djunge boda lem in Trentino un vor sovl åndre boda abeståmmen vo trentinar un lem in auzlånt, djunge boda håm zbisnen in 18 un in 35 djar.

Ditsa iz a bichtega multikulturål esperientz, boda vürlekk ke di famildje gem sèlbart herbege in djungen boda nemmen toal in prodjèkt.

Da autonome Provìntz vo Tria gitt an schütz z’zala bazta khint gezert vor in viazo un vor di sicharung.

Ma darkhennt zboa fase vo zboa bochan aniaglana. Da earst fase – herbege in Trentino – bart gian von 9 von höbiat sin atz 3 von snitt 2025. In disa zait vor in khnopf boda nimp toal in prodjèkt bartnda khemmen augelekk trèff pinn lokål instituziongen un di djungen bartn khemmen gevüart zo khenna üsarne lentar. Da zboate fase – herbege in auzlånt – bart soin auz pan djar 2026 in di månat boda bartn khemmen detzidart pittnåndar, hèrta draugeschauget von Åmt vor da lånt pintom un zo geba vèrt in trentinar in auzlånt voda Provìntz.

In auzlånt bartma mang khennen di lentar boma geat zo stiana pittnåndar pinn laüt boda gem herbege un pittn trentinar boda lem afte sèlln saitn.

Zait innzogebe di vorsch: 28 hornung 2025

Info un formular vor in vorsch aftz disan link:

<https://www.mondotrentino.net/Iniziative/Interscambi-giovanili-Youth-Exchange-Programme/Interscambi-giovanili-Youth-Exchange-Programme>

Übarsetzt von Schaltarle vor di zung von Toalkamou vodar Zimbar Hoachebene

(cdt)